

元和郡縣圖志

附闕卷逸
文攷證

四



元和郡縣圖志

附闕卷逸文攷證

(四)

李吉甫撰
孫星衍校
張駒賢攷證

元和郡縣圖志卷第十

河南道六

淄青節度使

鄆州

兗州

青州

齊州

鄆州

東平大郡

督府

開元

月三萬

三千三百

八十九

鄉

六十二

今爲淄青節度理所

管州十二

鄆州

兗州

青州

齊州

曹州

濮州

密州

海州

沂州

萊州

淄州

登州

縣七十三

禹貢兗州之域。春秋時屬宋。卽魯附庸須句音國。太昊之後風姓。左傳公伐邾。取須句。戰國時其地屬魏。秦爲薛郡地。在漢爲東平國。屬兗州。後漢封皇子蒼。是爲憲王。宋及後魏並爲東平郡。周宣帝於此僞魯州。尋廢。隋分兗州萬安縣置鄆州。大業三年罷州。爲東平郡。隋亂陷賊。武德五年討平徐圓朗於今鄆城縣。置鄆州爲總管府。本理鄆城。貞觀八年以下濕移理須昌。貞元三年昇爲都督府。州境東西一百八十七里。南北二百六十四里。

八到。西南至上都一千八百二十里。

東南至齊州二百八十里。

西至曹州三百三十里。

北渡河至博州一百八十里。

管縣十。東平。須昌。陽穀。壽張。盧縣。東阿。鄆城。鉅野。平陰。中都。

東平縣。郭下。古宿國。左傳曰。公及宋人盟於宿。是也。兩漢爲無鹽地。後齊於此置須昌縣。屬東平郡。縣理

無鹽城。隋別置須昌縣。屬鄆州。改須昌縣爲宿城縣。貞元三年。移於州理。改爲東平縣。

須昌縣。郭下。本漢舊縣。屬東郡。故須句國。按此前須昌縣在今縣東南三十二里。須昌故城是也。隋改須

昌爲宿城縣。更立須昌縣於今理。屬鄆州。縣在州南四十五步。

濟水南自鄆城縣界流入。去縣西二里。

州理故須句城。左傳。任宿。須句。顓臾。皆風姓也。注曰。須句雖列國。而削弱不能自通。魯私屬。若顓臾之比

也。

無鹽故城在縣東三十六里。古宿國也。列女傳曰。無鹽有醜女。名宿瘤。齊宣王善之。立爲夫人。卽此縣女

也。

清水石橋在縣西三里。隋仁壽元年造。石作華巧。與趙州石橋相埒。長四千五百尺。

東平思王宇墓在縣東四十九里。漢東平思王宇宣帝子。後薨葬於此。其冢松柏皆西靡。王奢侈。生葬所愛幸者。守冢者嘗聞號呼。數年後乃不復聞聲。

陽穀縣

州上東南至七十五里

本漢須昌縣地。隋於此置陽穀縣。取東阿縣界陽穀亭爲名也。屬濟州。天寶十三年。

濟州爲河所陷沒。以縣屬鄆州。

黃河在縣北十二里。

故伏城在縣東南二里。蓋伏生所居。因名之。

壽張縣

州緊東北至四十五里

本漢壽良縣也。屬東郡。後漢光武以叔父名良。改曰壽張。屬東平郡。隋開皇三年。罷

郡。屬濟州。十六年。割屬鄆州。武德四年。屬壽州。五年。廢壽州。屬鄆州。

梁山在縣南三十五里。漢書曰。孝王北獵梁山。是也。

壽州故城在縣東南十五里。隋末百姓築以爲堡。武德四年。於此置壽州。

呂母垞在縣東南三十五里。

後漢東海呂母合衆於此。兗州人謂城實中曰垞。音直加反。

盧縣

州緊東南至一百里

本漢舊縣也。屬泰山郡。都尉理之。濟北王所都。後漢盧縣。屬濟北國。宋屬濟北郡。開皇

三年。罷郡。縣屬濟州。大業三年。復爲濟北郡。武德四年。討平王世充。復爲濟州。按濟州理礪礪城。本秦東

郡之在平縣也。其城西臨黃河。晉末爲河水所毀。移理河北博州界。事具博州。宋元嘉二十年。甯朔將軍王元謨前鋒入河。平礪礪立戍守之。都督劉義恭以沙城不堪守。召元謨毀城而還。後更城之。後魏略得河南置鎮守。泰常八年。於此置濟州。至天寶十三載。州爲河所陷。廢。

礪礪津在縣北一里。後魏於此置關。名濟州關。隋末廢。

劉公橋架濟水。在縣東二十七里。宋武帝伐燕。過此造橋。故俗呼爲劉公橋。隋末廢。貞觀元年。重造。長十二丈。闊一丈二尺。

東阿縣

州緊南至五十里

本漢舊縣也。春秋時齊之柯地。左傳曰公會齊侯盟於柯。注曰此柯今濟北東阿。齊之

柯邑猶祝阿也。漢志東阿縣屬東郡。都尉理。晉屬濟北國。開皇三年屬濟州。天寶十三年濟州廢。縣屬鄆州。

魚山一名吾山。在縣東南二十里。瓠子歌曰吾山平兮巨野溢。魚沸鬱兮迫冬日。卽此山也。曹子建每登此山。有終焉之志。及亡葬於山下。

穀城山在縣東三十二里。黃石公出一編書與張良曰。後十三年孺子見我濟北穀城山下。黃石卽我也。是其處焉。

東阿故城在縣西二十里。漢東阿縣城也。晉太康後省。魏志程昱謂范令靳允曰。曹使君智殆天所授。君

必固范我守東阿則田單之功可立謂此城也水經注曰東阿大井巨若輪深七八丈每歲取此井水煮膠入貢本草所謂阿膠也

陽穀亭在縣東南四十二里左傳齊桓公會諸侯於陽穀是也

項羽墓在縣東二十七里初羽爲魯公羽死後魯猶爲楚守漢王示以羽首魯方降羽死乃以公禮葬於此

鄆城縣縣一百里東北至本漢壽良縣地左傳曰晉人執季文子於荅邱還待於鄆按古鄆城卽今縣是也後

漢及魏皆爲壽張縣地開皇四年改爲萬安縣十六年於此置鄆城縣貞觀八年移鄆州於須昌縣鄆城依舊

黎邱在縣西四十五里春秋時黎侯寓於衛因以爲名黎之臣子諷其君歸國作詩曰胡爲乎泥中蓋惡其卑濕也

鉅野縣望西北至本漢舊縣屬山陽郡鉅野澤在縣東五里卽魯西狩獲麟處武德四年於此置麟州

以是獲麟之地故以爲名五年廢麟州以縣屬鄆州

獲麟堆在縣東十二里春秋哀十四年經曰西狩獲麟

大野澤一名鉅野在縣東五里南北三百里東西百餘里爾雅十藪魯有大野西狩獲麟於此澤

蚩尤墓在縣東北九里。今山陽鉅野縣有蚩尤肩髀冢。按黃帝殺蚩尤於涿鹿之野。身體異處。故別葬焉。

平陰縣。上。西南至州二十里。本漢肥城縣地。屬泰山郡。古肥子國。開皇十四年。於今縣西北二十八里置榆山縣。

大業二年。移於今理。仍改名平陰。屬濟州。天寶十三載。州廢。縣割隸鄆州。

黃河去縣十里。

平陰故城在縣東北三十五里。左傳曰。晉侯伐齊。齊侯禦諸平陰。

故長城首起縣北二十九里。齊湣王所築。蘇代謂燕王曰。齊有長城巨防。足以爲塞。是也。

陶山在縣東三十五里。范蠡葬處。

左邱明墓在縣東南五十五里。

中都縣。上。西北至州一百里。本魯國邑也。定公以孔子爲中都宰。一年。四方皆則之。禮記曰。夫子制於中都。四寸

之棺。五寸之槨。由中都宰爲司寇。故城在今縣西三十九里。一名殷密城。至漢。以其地爲東平陸縣。屬東

平國。齊高帝改平陸縣爲樂平縣。隋復改樂平爲平陸縣。屬兗州。天寶元年。改爲中都。割屬鄆州。今卻隸

兗州。

汶水北去縣二十四里。又北入須昌縣界。

桓水在縣西八十里。晉桓溫進軍。北次金鄉。鑿鉅野三百里。以通舟運。自清水入河。以是桓所鑿。故曰桓。

水亦曰桓河。

兖州

魯郡中都督府

開元戶六萬七千三百九十七

鄉一百三十三

禹貢兖州之域兼得徐州之地。春秋時爲魯國。按武王卽位封周公於少昊之墟曲阜之地。周公不就封。留佐武王。武王崩。又相成王。其子伯禽乃就封之魯。自伯禽至頃公三十四君。爲楚考烈王所滅。六國時地屬楚。秦滅楚。以魯爲薛郡。漢高后時更爲魯國。後漢仍爲魯國。兖州所理不恆。獻帝初平三年移兖州理濟陰之鄆城。以魏太祖曹操爲兖州牧。魏仍移兖州理東郡之廩丘。晉不改。永嘉之後陷於石勒。北州流人南渡。成帝立南兖州。寄理京口。宋武帝平河南。又得其地置兖州。後又屬魏。宋文帝元嘉八年理廣陵。二十八年理盱眙。三十年復理廣陵。大業元年於兖州置都督府。二年改爲魯州。三年改爲魯郡。十三年爲賊徐圓朗所據。武德五年討平圓朗。改魯郡置兖州。貞觀十四年改置都督府。謹按禹貢導沅水東流爲濟。截河南渡。東與荷澤汶水會。又東北入於海。兖州在濟河之間。因濟水發源爲名。今郡理乃非其境。至周置兖州始兼得今郡之地。而濟水自王莽末入河。同流於海。則河南之地無濟水矣。自後所說皆習舊名。

州境

東西三百三十一里南北三百五十三里

八到

西南至上都一千八百九十五里西南至宋州四百里

東至沂州三百八十里
西至曹州三百七十里
東南至鄆州一百九十里
正北微東至齊州三百三十里
一作四百里

貢賦 開元貢 鏡花綾二十疋 防風二十斤 紫石英二十五兩

管縣十一 瑕邱 金鄉 魚臺 鄒縣 龔邱 乾封 萊蕪 曲阜 泗水 任城 中都見鄆州

瑕邱縣郭上 本漢縣屬山陽郡即魯之負瑕邑也左傳曰季康子伐邾以邾子益來囚諸負瑕宋元嘉十三年立兗州理瑕邱城而瑕邱無縣至隋文帝割鄒縣汶陽平原三縣界立瑕邱縣屬兗州洙水東去縣二十三里

泗水東自曲阜縣界流入與洙水合

淮王神通營在瑕邱故城中武德五年平賊徐圓朗屯兵之處也又有管國公任瓌薛國公長孫順德原國公史萬寶壘列營相次各周迴五里

堯祠在縣東南七里洙水之西

金鄉縣望州百八十里 東北至本漢東緡縣也屬山陽郡即古之緡國城左傳曰夏桀爲仍之會有緡叛之陳留風俗傳曰東緡縣者故陽武戶牖鄉也漢丞相陳平即此鄉人也後漢於今兗州任城縣西南七十五里置

金鄉縣。蓋因穿山得金。故曰金鄉。屬山陽郡。武德四年。於此置金州。五年。廢爲戴州。貞元中。廢戴州。縣屬兗州。

昌邑故城在縣西北四十二里。其中城周十餘里。外城周三十餘里。中有鐵柱。出地數尺。漢景帝三年。吳楚趙膠西濟南淄川膠東七國俱反。天子命條侯周亞夫將三十六將軍擊吳楚。亞夫至淮陽。問父客鄧都尉策安出。客曰。莫若引兵東北。壁昌邑。以梁委吳。將軍深溝高壘。使輕兵絕淮。泗口。塞吳餉道。吳梁相弊。乃以全制其極。破吳必矣。條侯從之。吳楚以正月起。三月皆破滅。卽此城也。

魚臺縣。上東北至州百九十里。本漢方與縣。屬山陽郡。高齊文宣帝廢。開皇十六年。復置方與縣。屬戴州。貞觀十七年。廢戴州。縣屬兗州。寶應元年。改爲魚臺縣。因縣北有魯君觀魚臺。故名。

縣理城卽漢方與城也。

菏水卽濟水也。一名五丈溝。西自金鄉縣界流入。去縣十里。又東南流合泗水。泗水東北自任城縣界流入。經縣東。與菏水合。又東流入徐州沛縣界。

觀魚臺卽武唐亭也。在縣北十三里。春秋隱公五年。公矢魚於棠。是也。

泰山府君祠在縣西十二里。

鄒縣。上。本漢鄒縣地。故邾國魯之附庸。魯穆公改邾爲鄒。因鄒山以爲名。隋大業二年。改兗州爲魯州。三

年罷魯州爲魯郡。縣皆屬焉。武德五年罷縣屬兗州。按邾國之地陸終之子曹姓所封。卽今鄒縣是也。今黃州地又爲陸終之後所封。蓋六終有六子各爲國也。

嶧山一名鄒山。在縣南二十二里。禹貢曰嶧陽孤桐。卽此也。始皇二十六年觀禮於魯。刻石於嶧山。晉建武初兗州寄理山上。洛陽傾覆。郗鑒獲歸州。鄉人士並宗附之。遂共推鑒爲主。與千餘家避難於嶧山。中宗假鑒龍驤將軍兗州刺史。鎮鄒山。後爲石勒所侵逼。鑒率文武自嶧山奔下邳。

鳧山在縣東南三十八里。詩曰保有鳧嶧。遂荒徐宅。卽此山也。

龔邱縣。中南至五十里本漢甯陽縣之地。屬泰山郡。後漢改屬東平國。高齊文宣帝移置平原縣於漢甯陽縣。

城北十七里。今縣理也。隋以此縣與德州平原縣同名。以縣東南二十里有龔邱城。遂改平原爲龔邱縣。屬兗州。

青石山在縣西三十里。後魏有青石山祠。卽謂此也。其山都是一大石耳。發地傑立。高四十餘丈。周迴三里。上有石池二所。東西行列。有類人工。冬夏澄清。初無耗溢。祈雨輒應。故今古祀之。故汶陽城在縣東北五十四里。其城側土田沃壤。故魯號汶陽之田。謂此地也。

乾封縣。上西南至州百六十里本齊之博邑。延陵季子適齊。子死葬於贏。博之間。至漢武帝封禪。分贏博二縣立奉

高縣。以奉泰山之祀。後魏改博縣爲博平。開皇十七年改博平爲博城縣。乾封元年高宗封岳。析長安以

置乾封。長安元年，廢乃於岱山下改博城縣爲乾封縣，屬兗州。

泰山一曰岱宗，在縣西北三十里。

社首山在縣西北二十六里。

高里山亦曰蒿里山，在縣西北二十五里。

徂徠山亦曰尤徠山。詩曰：徂徠之松。後漢赤眉渠帥樊崇保守此山，自號尤來山老。

汶水源出縣東北原山，西南流經縣理南，去縣三里。又有北汶、羸汶、柴汶、牟汶。述征記曰：泰山郡水皆名汶。按今縣界凡有五汶，皆源別而流同也。

開元十三年冬，元宗登封泰山，登封之夕，凝氛昏晦，迅風激烈，皇帝出齋宮，露立以請，及明清霽，旗旛不搖，事畢至山下，日又抱戴，明耀五色，千官稱賀。其日大赦，以靈岳昭感，封泰山神爲天齊王。

岳廟在縣西北三十里，泰山之南。

萊蕪縣，中西南至州二百六十里。本漢縣也。故城在今淄州東南六十里。齊靈公滅萊，萊人流播，邑落荒蕪，故曰萊。

蕪後漢范史雲曾爲此縣長，百姓歌其清儉曰：甑中生塵，范史雲；釜中生魚，范萊蕪。至晉廢，後魏移古羸縣於此。貞觀元年，廢入博城縣。至長安四年，又於廢羸縣置萊蕪縣，取漢舊名也。屬兗州。韶山在縣西北二十里，其山出鐵，漢置鐵官，至今鼓鑄不絕。

曲阜縣。上。西北至州四十五里。本漢魯縣。卽春秋時魯國伯禽所都。其地卽古炎帝之墟也。自後或爲魯國。或爲魯郡。而縣屬焉。高齊文宣帝省魯郡。仍於魯城置任城郡。開皇三年。罷郡。仍移汶陽縣理此。屬兗州。十六年。改汶陽縣爲曲阜縣。

防山在縣東二十五里。禮記曰。孔子旣得合葬於防。卽此是也。

壽邱在縣東北六里。皇甫謐以爲黃帝生於壽邱。在魯城東門之北。

曲阜在縣理魯城中。委曲長七八里。今按季子臺及大庭氏庫及縣理城並在其上。

洙泗二水。東自泗水縣界流入。又西南流經縣北。分爲二流。水側有一城。爲二水之分會也。南爲泗水。北爲洙水。二水之間。卽夫子領徒之所居也。

沂水亦名雩水。源出縣東南八里。

洳澤俗名連泉澤。在縣東九里。魯僖公牧馬之地。詩曰。駟駒牧馬。在洳之野。是也。

關里在縣西南三里。魯城中。北去洙水百餘步。

兩觀在縣東南五十步。定公二年。雉門及兩觀災。卽家語孔子戮少正卯之處也。

豐相圃在縣西三里。魯城中。

孔子墓在縣西北三里。魯城之北。

靈光殿魯王所造。在魯城內。案文選。漢景帝子名餘。封爲魯王。好理宮室。而建此殿。遭王莽亂。宮室被焚。建章皆墜壞。而靈光殿巋然獨存。

泗水縣。上。西南至州一百里。漢卞縣之地。卽春秋之虛朶地。隋分汶陽縣於此。置泗水縣。屬兗州。

尼邱山在縣南五十里。叔梁紇禱尼邱山而生孔子。

梁父山在縣北八十里。西接徂徠山。封禪書曰。古者封泰山。禪梁父。七十二家。

龜山在縣東北七十五里。詩曰。奄有龜蒙。定公十一年左傳曰。齊人來歸龜陰之田。是也。

泗水源出縣東陪尾山。其源有四。四泉俱導。因以爲名。

盜泉源出縣東北高徑山之陰。淮南子曰。孔子不飲盜泉。

漏澤在縣東七十里。此澤漏穴有五。皆方丈餘。深二丈以上。其澤每夏積水。秋冬漏竭。將漏之時。居人知

之。不過三日。漏水俱盡。先以竹木作薄籬圍之。水族山積也。

菟裘故城在縣北五十五里。魯隱公曰。使營菟裘。吾將老焉。

任城縣。聚。東至州七十六里。本漢縣也。屬東平國。古任國。太昊之後。風姓也。僖公二十一年左傳曰。任宿須句皆

風姓也。注曰。任。今任城縣也。魏志曰。文帝封鄆陵侯彰爲任城王。齊天保七年。移高平郡於此。任城縣屬

焉。開皇三年。罷高平郡。屬兗州。

承注山在縣東南七十六里。女媧生處。按今山下有女媧廟。

桓公溝源出縣理西四十里萌山之下。宋武北征記曰。桓公宣武以太和四年率衆平趙。魏時遣冠軍將軍毛彪生鑿此溝。號曰桓公溝。於今四十九年矣。溝已填塞。公遣甯朔將軍朱超更鑿石通之。

女媧陵在縣東南三十九里。

魏王粲墓在縣南五十三里。

青州。北海望。開元戶五萬五千一百三十一。鄉一百二。

古少昊氏之墟。禹貢青州之地。舜時以青州越海遼遠。分爲營州。禹復置九州。武王克商。封師尙父於齊營邱。周成王少時。命太公曰。東至於海。西至於河。南至於穆陵。北至於無棣。穆陵山在今鄒縣界。無棣今縣城。郡屬縣也。五侯九伯。實得征之。至二十九代。爲田和所篡。和子孫強盛。與燕趙韓魏楚俱稱王。五世至建。爲秦所滅。分齊地置齊。郎邪二郡。漢元年冬。更爲臨淄。項羽立田都爲王。都臨淄。其年四月。田榮擊都。都走楚。榮自立爲王。十二月。楚擊榮。榮走平原。項羽立田假爲王。榮弟橫擊假。假走楚。楚立田廣爲王。三年。韓信殺廣。漢立韓信爲齊王。五年。信徙王楚。六年。以膠東等七十餘城封皇子肥爲齊王。傳國至厲王昌。國除。武帝復封次子閔爲齊王。後國除。遂以齊爲郡。領縣十二。理臨淄。後漢改齊郡爲齊國。曹魏明帝封子芳爲齊王。尋卽帝位。晉武帝以弟攸爲王子冏嗣。永嘉末。陷於石勒。其後南燕慕容德建都於此。至慕容超。宋武帝

伐克之。以沈文秀爲青州刺史。守東陽城。爲魏將慕容白曜所陷。遂入後魏。大業三年。罷州爲北海郡。領縣十。隋亂陷賊。武德二年。海岱平定。改爲青州。置總管府。

州境。東二百七十里。南三百四十里。

八到。西南至上都二千四百五里。東南至東都一千五百五里。東北至萊州三百四十五里。南至沂州四百五十里。東至密州三百三十里。西北至棣州三百二十里。

貢賦。開元貢。賦。縣。仙文綾。棗。糖。海物。

管縣七。益都。臨淄。千乘。臨朐。北海。壽光。博昌。

益都縣。郭下。本漢廣固縣之地。魏於今壽光縣南十里益都城置益都縣。屬齊國。宋及後魏屬齊郡。開皇

三年。罷郡。縣屬青州。

淄水西去縣五十五里。

廣固城在縣西四里。晉永嘉五年。東萊牟平人曹嶷爲刺史。所築有大澗甚廣固。故謂之廣固。初南燕慕容德議所都。尙書潘聰曰。青齊沃壤。號東秦。土方二千里。四塞之固。負海之饒。可謂用武之國。廣固者。曹嶷之所營。山川阻峻。足爲帝王之都。德從之。及義熙五年。宋武征慕容超於廣固也。城側有五龍口。險阻